

智。三他心智。四世俗智。五苦智。六集智。七滅智。八道智。九盡智。十無生智。云何法智。謂欲繫諸行了無漏智。欲繫行因無漏諸智。欲繫行滅無漏諸智。欲界繫行斷道之中無漏諸智。復次法智。法智地中無漏諸智。此名法智。云何隨類智。色無色繫諸行之中無漏諸智。色無色繫諸行因中無漏諸智。色無色繫行滅之中無漏諸智。色無色繫行斷道中無漏諸智。復次隨所了智。隨了地中無漏諸智。此等名爲隨類智。云何他心智。從修生智所修之果依於所修所得無退以其智慧了欲所行及色所行似他心心法證得現前了無漏法一分。此等名爲了他心智。云何世俗智。謂有漏智。此名世俗智。云何苦智。於五取蘊了無常性。苦性。空性。無我之性。作意所生無漏之智。此名苦智。云何集智。於有漏因而起。因集生緣。作意無漏之智。此名集智。云何滅智。謂於滅中起滅。靜妙出離。作意無漏之智。此名滅智。云何道智。謂於道中起於道。如行出作意。